



UNIVERSITÄTS-  
BIBLIOTHEK  
PADERBORN

**Principia Juris Canonici : Ex Libro ... Decretalium Gregorii  
IX. Pontificis M / Antehac In Alma & Archi-Episcopali  
Benedictina Universitate Salisburgensi**

**König, Robert**

**Salisburgi, 1725**

**VD18 80460526**

16. De Matrimonio contracto contra interdictum Ecclesiæ.

---

[urn:nbn:de:hbz:466:1-61800](#)

## TITULUS XVI.

De Matrimonio contracto  
contra interdictum Ecclesiæ.

## SUMMARIA.

1. Definiuntur impedimenta impedientia.
2. Usque
14. Recensentur, & explicantur singula.
14. Unde
15. eriantur?
16. Quos impediant?
17. Quomodo
- differant ab impedimentis dirimentibus?
17. Forum effectus.
18. Quis in his impedimentis di-
- penzare possit?

Atis de impedimentis dirimentibus matri-  
monium. Sub specie interdicti Ecclesia  
insecanam nunc prodeunt impedientia.

## §. I.

Definiuntur impedimenta impedientia,  
quod sint obstacula, quæ matrimonium qui-  
dem redditum illicitum, non tamen invalidum.

## §. II.

Dividuntur impedimenta impedientia in-  
to, quæ sunt sine, & in ea, quæ sunt ex deli-  
cto. Sine delicto sunt:

Ecclesia vetitum, nec non tempus feriarum,  
Atque Catechismus, Sponsalia; jungit vo-  
tum.

Ecclesia vetitum, seu interdictum dupliciter  
sumitur: primò generaliter, prout comple-  
ditur omnia reliqua matrimonii impedimen-  
ta ab Ecclesia introducta, & sic omne matri-  
monium laborans impedimento quoconque,  
sive dirimente, sive impidente potest dici  
contra dictum contra interdictum Ecclesiæ. Se-  
condò specialiter, & in præsenti accipitur pro  
speciali prohibitione, qua superior Ecclesiastis  
ob justam causam certis personis matri-  
monium interdit. Potest autem non tantum  
Episcopus, sed etiam Parochus aliquando in-  
terdicere & ad certum tempus suspendere ma-  
trimonium; ut si sponsus prius cum alia con-  
traxerit sponsalia; si non vana suspicio sit la-  
tentis impedimenti; vel si ex futuro matri-

monio timetur graves rixæ, scandala, aliavè  
incommoda secutura, arg. cap. 1. & 2. b. t.  
Neque officit, quod cauæ matrimoniales ad  
Judices solum Ecclesiasticos, non ad Parochos  
spectent juxta c. 1. de Consang. & affinit. nam  
et si eas judicialiter cognoscere, & per senten-  
tiæ terminare Parochus non possit, potest ta-  
men, imò prædictis casibüs debet matrimo-  
nium prohibere, donec causa ad Ordinarium  
delata, & cognita decidatur per c. fin. §. sanè  
de Clandest. defors. Sanch. lib. 7. de Matri-  
m. diss. 6. n. 6.

Per tempus feriarum intelligitur certum 3  
anni tempus, quo nuptiarum solennitates in-  
terdicuntur. Tametsi verò olim pluribus  
temporibus nuptiæ prohibitæ fuerint, ut in  
diebus Rogationum usque ad octavam Pentecostes, & tribus septimanis ante festū S. Joan-  
nis Baptistæ. c. 8. & passim eausā 33. q. 4. c. de  
Feriis. hodie tamen Concilium Tridentinum  
sess. 24. de Reform. mar. c. 10. abrogatis aliis  
feriis constituit, ut solum à Dominica prima  
Adventus usque ad Festum Epiphaniæ, & à  
die Cinerum usque ad octavam Paschæ inclu-  
sivè solennis nuptiarum celebratio intermitte-  
retur; solennis, inquam, nuptiarum celebratio:  
etenim in hisce feriis speciale jure non ipsum  
contractum matrimonii, & ejus consumma-  
tionem, sed duntaxat solennitates, convivia,  
saltationes, traductiones ad domum, aliavè  
signalætitiae prohiberi, egregiè probat Jacob.  
Pignat. tom. 6. consul. 47. Ulus autem per  
omnem propemodum Germaniam invaluit,  
ut Parochi prædictis temporibus matrimonio  
non assistant extra casum necessitatis, atque ea  
etiam urgente Ordinarii consensem, ubi pos-  
funt, requirere soleant. Layman in Theol. lib.  
5. tr. 10. c. ult. n. 1.

Catechismi nomine venit Instructio in fide 4  
Christianæ, quæ tempore baptismi alicui im-  
penditur, & ordinari baptismum præcedere,  
& ante foras Ecclesiæ fieri debet juxta c. 54.  
dist.

U 3

diff. 4. de Consecr. cap. 5. de Cognat. spirit. c. 1.  
Eod. in 6. Est enim illa catechizatio initium  
quoddam spiritualis regenerationis, quæ per  
baptismum sit, ideoque minus decens Ecclesia  
videbatur, inter catechizantem, & catechizatum  
initi matrimonium. Verum hoc im-  
pedimentum juxta receptam sententiam per  
Tridentinum sess. 24. de Reform. matrim. c. 2.  
sublatum est: quoniam cum post designatas  
personas, quas inter voluit contrahiri cognationem  
spiritualem conluderit: omnibus inter  
alias personas hujusmodi cognationis spiritua-  
lis impedimentis omnino sublatis; & inter  
personas ibi expressas non sit catechizans,  
consequens est, ex Catechismo impedimen-  
tum nullum amplius induci. Zoël. de Cognat.  
spirit. num. 14.

**S**ponsalia semel legitimè contracta tollere  
licet iam contrahendi matrimonium cum  
alia persona, per se patet: siquidem qui contra-  
hit sponsalia cum una, gravem contrahit obliga-  
tionem ex justitia ad ineundum cum eadem  
matrimonium, nisi haec obligatio remittatur,  
aut ex justa causa dissolvatur. Quamvis autem  
stantibus sponsalibus cum alia matrimonium  
illicitè contrahatur, valet tamen contractum,  
non obstante, quod ceteroquin pacta de re  
illicita sint invalida: enim verò aliud est in  
meritis pactis, & promissionibus in futurum, aliud  
in contractibus, & actibus mediante tradicio-  
ne ius in re tribuentibus; hi enim, nisi sint de  
objecto in se illico subsistunt, ut tradunt Inter-  
terp. in c. in malis. 69. de R. J. in 6. cum in  
his non solum sit obligatio in futurum, quæ  
ad illicitum esse non potest, sed constituantur  
effectus distinctus, nempe translatio juris, &  
dominij, quæ modo etiam illico fieri potest,  
arg. l. quoties. C. de Rei vind.

**S**V. Votum impediens matrimonium est vo-  
tum simplex castitatis, votum ingrediendi  
religionem, votum suscipiendo SS. Ordines,  
& votum non nubendi, seu coelibatus: tali

namque voto obstrictus, si matrimonium  
contrahat, graviter peccat contra fidem DEO  
datam. c. 4. & 6. Qui Clerici, vel vevenie-  
c. un. de Voto, & vosi redempt. in 6. Quod  
verissimum est, si hujusmodi vorum emissum  
sit ante contracta sponsalia: Si primum post  
sponsalia emissum sit, probabilius in praedi-  
cium alterius sponsi, vel sponsæ non obligat,  
nec matrimonio respectu hujus impedimen-  
to est, ex quo DEUS tale vatum tanquam  
injustum, utpote promissionem rei alteri jam  
ex justitia debitæ, non acceptat. Panormit. in  
c. veniens. 5. num. 5. Qui Clerici, vel vevenie-  
& ali Canonistæ ibid. Nisi fuerit vatum in-  
grediendi religionem, quod per se loquendo  
etiam obligat post contractum matrimonio  
ratum, sed non consummatum. cap. 2. & 7. de  
Convers. conjug. Sanchez de Matr. lib. 1.  
diff. 4. 3. num. 7.

Impedimenta impediens ex delicto or-  
ta, recententur versibus sequentibus:

Incestus, rapta sponsata, mors mulieris,  
Susceptus propria fobolis, mors presby-  
teralis,

Vel si peniteat solenniter, aut Monialem:  
Accipiat. Prohibent hac conjugium soi-  
andum.

Incestus impedit matrimonium cum qua-  
unque, si quis habuerit copulam cum con-  
sanguinea uxoris, vel sponsæ sua salteti intra-  
secundum gradum. c. 20. causâ 32. q. 7. c. 1.  
& 2. de Eo, qui cogn. consang. ux. juncto Tri-  
dent. sess. 24. de Ref. matr. c. 4. Incestus cum  
Consanguinea propria tale impedimentum  
non inducit: cum textus illud inducens non  
extet, nec impedimenta extendenda sint. Zoël.  
d. t. de Eo, qui cognovit. n. 9. Raus Maurus  
Oberascher de Marr. c. 4. §. 1.

Per rapta sponsata intelligitur rapta 8  
sponsæ alienæ juxta c. statutum. 34. causâ 27.  
q. 2. ubi dicitur: statutum est à S. Convento,  
ut si quis sponsam alterius rapererit, sine spe con-

magis maneat. Et quidem Sanch. lib. 7. disp. 12. n. 45. existimat nomine sponsæ hic venire solum sponsam de præsenti, eò quod materia sit penalis. At Gloss. in d.c. statutum V. rapuerit. docet contrarium, & rectè: quia si ne fundamento textus generaliter loquens de eo, qui sponsam alterius rapuerit; ad sponsam de præsenti rest ingitur, ex quo sponsa de futuro propriissimè sponsa salutatur.

Mors mulieris inducit impedimentum impediens, si quis uxorem suam ex ira, odio, & vindicta occiderit. c. imperfectores. causa 33. q. 2. tametsi in adulterio deprehensam. & quicunque, in verbis, absque lege, & absque certa probatione d. q. 2. non tamen incurrit, qui adulteram traderet Judici occidendum, ex quo id non faceret absque lege. An enim ex viricidio, seu cæde mariti impedimentum hoc oriatur? in utramque partem probabiliter disputatur, magis tamen propendo in affirmativam propter textum in cap. I. de Divorciis.

10. De susceptione proprias fabolis ex sacro fonte in c. de eo. 5. causa 30. q. 1. habetur: si conjuges legitimi, unus, aut ambo ex industria fecerint, aut filium suum de fonte susciperent, si innupti permanere voluerint, bonum est: si autem, gravis pœnitentia insidiatori injungatur & simul maneat: & si prævaricator conjugi super vixerit, acerrima pœnitentia mali-  
tur, & sine spe conjugii maneat. Quod pro-  
cedit etiam, si parens malo animo filium suum ipse baptizet, vel in confirmatione levet. Bo-  
nacini, de Matrim. q. 3. punct. 14. n. 17.

11. Presbytericidium est impedimentum impediens, quando quis de eo convictus est. c. 2. de Panit. & Remiss. & ibi Panorm. n. 1. Barb. n. 4. contra Innocentium, & multos alios, qui immerito, & contra juris regulas, pœnam præcisè de eo statutam, qui de presbytericio convictus fuit, ad alios non convictos, vel admodum improprie, sive (ut loquuntur) in

foro conscientiae convictos extendunt. Sam-  
chez lib. 7. disp. 7. n. 8.

Pœnitentia solennis, ac publica, quæ anti- 12  
quitus ob diversa crimina imponebatur, pro-  
hibet matrimonium duntaxat contrahere,  
quam diu durat: c. de his. 12. causa 33. q. 2.  
hodie verò, cùm pœnitentiae publicæ in usu  
non sint, penitus cessat. Zoël. b. 1. n. 9.

Ut conjugium cum moniali, seu virgine. 13  
DEO conlecrata impedimentum causet, non  
sufficit simplex solum contractus matrimonii,  
quod inter tales ob impedimentum dirimens  
voti irricum est, sed requiritur contractus cum  
copula sacrilega subsecuta, ut innuit textus in  
c. h. ergo. 13. causa 27. quest. 1. & Gloss. ibid.

Cæterum de impedimentis hujus generis,  
id est, de iis, quæ ex delicto proveniunt, tra-  
dunt DD. qui in diversis orbis partibus scrip-  
serunt, impedimenta ista per consuetudinem  
esse abrogata; sed quia consuetudo facti est,  
& DD. alibi scribentes vix de facto nostrorum  
locorum Germaniæ testari potuerunt, maxi-  
mè cùm casus illi delictorum impeditientium  
matrimonium raro contingat, & inde vix  
consuetudo, vel desuetudo probari possit, tu-  
tius videtur, ut emergente tali casu saltem di-  
spensatio ab Episcopo petatur, qui eam uti-  
que dare poterit, ut cum Nav. lib. 4. consil. 9.  
de Confess. n. 5. docet Layman in Theol. moro.  
lib. 5. tr. 10. p. 4. c. 15. in fin.

### §. III.

Causa efficiens impedimentorum impiden- 14  
tium, alia est remota, alia proxima.

Remota est jus; insurgunt verò omnia im-  
pedimenta impeditia ex jure Ecclesiastico,  
excepto impedimento voti, & sponsalium,  
quod utrumque non tam ex dispositione, aut  
speciali SS. Canonum prohibitione, quam  
ex natura rei & jure naturali impedit mat-  
rimonium, quandoquidem promissio sive  
DEO sive homini facta servanda est. Unde  
quoties de abrogatione impedimentorum  
impe-

impedientium queritur, hæc duo impedimenta excipienda sunt, & extra questionem ponenda, ut quæ nec statuto, nec consuetudine, nec auctoritate Judicis (nisi quod in votis dispensatio locum habeat) tolli possunt.

*Causa efficiens proxima* impedimentorum impedientium quænam sit? Relucet ex dictis: etenim satis stendimus, horum impedimentorum quædam non ex delicto, pleraque ex delicto originem trahere.

#### §. IV.

15 *Subjectum* impedimentorum impedientium sunt ii, quos impediunt à contrahendo matrimonio; cùm autem pleraque sint juris Ecclesiastici, tolos fideles, ac baptizatos afficiant.

#### §. V.


16 *Forma* horum impedimentorum consistit in eo, quod citra irritacionem matrimonii reddant illicitum: in quo discriminantur ab impedimentis dirimentibus, upote que obstant, ne matrimonium licite, ac validè contrahatur.

#### §. VI.

17 *Effectus* impedimentorum impedientium est, quod matrimonium impediunt, id est, illicitum reddant, ita nimis, ut ordinariè mortaliter peccet, qui cum aliquo impedimento impediente matrimonium contrahit: licet enim SS. Canones id non exprimant, quia ramen verlantur in materia gravi, & absolutè matrimonium interdicunt, vel ipsum conjugii adimunt, non minus gravem obligationem inducent, quam alia juris præcepta, quæ similiiter absolutè prolatæ reperiuntur, & vix unquam determinant, an sub mortali, aut veniali peccato aliquid prohibeant. Dissentit Armilla *P. matrim. n. 10.* cùm Ledesma, & aliis. Ad dii vero: ordinariè; primum namque impedimentum impediens, scilicet interdictum Ecclesiæ, potest aliquando ex levi aut falso præsumpta causa fieri, ita ut in foro conscientiæ, cessante scandalo, gravem obligationem non inducat, ut rectè notat Sanch. *I. d. p. 17.*

#### §. VII.

*Contraria* impedimentis impedientibus est dispensatio, quæ tolluntur. Potest autem in his ex iusta causa dispensare non solum S. Pontifex, sed ex recepta consuetudine (qua jus, & jurisdictionem tribuit per cap. q. de Arbitrio) etiam Episcopus, seu Ordinarius, excepto impedimento voxi perpetua caliginis, & religionis, & impedimento sponsalium, quorum dispensatio S. Pontifici reservata est. Armilla *I. cit. n. 60.* Bonacini *de Matrim. q. 3. punc. 15. n. 3.* Sanch. *d. disp. 17. num. 15.* & Nos in tit. *I. n. 127.*



## TITULUS XVII.

*Qui Filii sint legitimi.*

F *Ructus, & effectus* matrimonii sunt filii legitimi; quales sunt vel ex legitimitate: vel ex legitimatione, eaque vel per subscriptus matrimonium, vel per Rescriptum Principis, vel per oblationem Curie.

### Pars I. De Legitimitate.

#### SUMMARIUM.

1. *Quid sit legitimus?* 2. *Ex quo iure?* 3. *Uique 12. & ex quo matrimonio originem trahat?* 12. Usque 16. *Quinam liberi censeantur legitimi?* 16. *Legitima nativitas qua ratione probatur?* 17. *Quae sunt iura, ac prærogativa legitimorum?*

#### §. I.

*Definitur* legitimitas, quod sit legalis conditione natalium ex justis nuptiis parentum contracta. *Brevius:* quod sit legitima nativitas.

#### §. II.

*Causa efficiens* legitimatis duplex est: remota & proxima.

*Remota* est jus non tam naturale, quam hu-

ma-